

Dunghlanz Yen Hoenghhwd Gawjhengz Aen Hozdung Geiqniemh Cinz Yinggih Doekseng 100 Hopbi

东兰县隆重举行纪念覃应机诞辰100周年活动



▲Aeu foux lwnh gangj gij goj banlaux gwzming.

▲Ranzcoj Cinz Yinggih.

◀Hungzsingh ronghmyeb dazroen daihlaeng.

Bonjbauq siusik (gicej Suh Gyahgvai) 12 nyied 27 hau banhaet, mbwn' gvangq ndit ndei. Youq Dunghlanz Yen Sanhsiz Cin Nazhoz Cunh Cinz Yinggih Gvangcangz, baenz fanh gak gyaiq ganbu vunlai doxcaenx doxcaeh haeubae ndaetfwd, yungh codanz caeuq yienjheiq daengj hingzsis, daeuj hoenghhwd geiqniemh Cinz Yinggih doekseng 100 hopbi.

Cinz Yinggih bi 1915 doekseng youq Dunghlanz Yen Mbanjnazhoz aen ranz boubguhnaz gungzhoj ndeu, 14 bi couh okbae camgya gwzming lo, gonqlaeng camgya gvaq Baksae Gijyi, Dujdi Gwzming, Hungzgingh Cangcwngh, Dingjhoenx Yizbwnj, Gaijfang Cancwngh. Laebbaenz Cungguck moq le, de nyaemh Gvangsish Swngj Gungh' anhdinh dingh-

cangj, fuswngcangj, Guengjsae Boubcuengh Swcigh fucujisiz, cujsiz, cwnghz cujsiz, swcigh dangvej suhgi, de dwg daih' it daengz daihroek gaiq daengx guk yinzminz daibyauj davei daibyauj, Cungguck Gungcanjdangj daihbet, cib'it, cibngeih, cibseiq baez daengx guk yinzminz daibyauj daihhoih daibyauj, Cunghung daihcib' it, cibngeih gaiq cunghyangh vejyenz, Cunghung cibsam daih ndaej senj guh Cunghyangh Guvwn Vejyenzvei vejyenz. De dajguenj Guengjsae baenz 40 bi, dang gvaq haujai bumwnz boubdaez. De hwnjnyaemh geizgan, song fwngz seuqsak, laemxsim vih vunlai bae guhsaeh, vih Guengjsae raeuz guh ok gungyen hungloet, deng haenh guh yienhdaih "goengvuengz Boubcuengh".

Swcigh cwnghz fucujisiz Lai Dwzyungz hix camgya hozdung caemhcaiq haenh Cinz Yinggih dwg ciuhvunz ronghlwenq ndeu.

Hozdung geizgan, gyoengq vunz daeuj camgya hozdung haenx lij camgya aen yizsi Nazhoz Hungzswz Vwnzvayenz haidou, ngonzyawj Nazhoz Gwzming Cwnzlezgvanj caeuq ranzcoj Cinz Yinggih daengj. Swcigh dangvej senhconzbu, gih cwnghz bangunghdingh, gih dangvej dangsij yenzgiusiz, gih gunghanhdingh, Gvangsish Dayoz daengj boubdaez nem Cinz Yinggih caencik, gwzming lezsw, cienginh caencik daibyauj, boubdaez geq, boubgeq daibyauj caeuq gak gyaiq ganbu vunlai daibyauj doengzcaeuz camgya geiqniemh hozdung.



▲ Camgya hozdung gak gyaiq daibyauj.



◀ Gak gyaiq ngonzyawj siengqgaeuq Cinz Yinggih.

▲ 1943 nienz, Cinz Yinggih(swix 3)caeuq 3 boub canyouj youq Sanhsih Swngj Cojgenz Yen hab'ingi.



▲ Cinz Yinggih youq seiz gwzming cancwngh.



▲ Yunz geq hix daeuj camgya hozdung.



▲ 1935 nienz 5 nyied, Cinz Yinggih daiqlingx 12 boub bing dued aeu aen Giuzluzdinggyauz.



▲ Mbawsiengq lwnhgangj ciuhvunz Cinz Yinggih.